

लहना

व्यवसायिक पत्रकारिता, थौंया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।



लक्ष्मण गजमाल 'चिल्लि' प्रोप्राइटर
लाखा छँ
LAKHA CHHEN

सोदरखुटे, वडा नं. १६, येँ, फोन नं.: ८३६०७५८

थुकि दुने

विधेयक लित काय धुंका: भीसं छु यायगु ?
सानुराजा शाक्य - २

गुथि विधेयकं ह:गु तरङ्ग
टिकाराम घिमिरे/कैदार सिलवाल - ३



हिसिला कीर्तिपुरया म्हायमचा जुया:
"कीर्तिलक्ष्मी" जगु ख: ला ?
विजयरत्न असंबरे - ६



गुथि विधेयक विरुद्धय्
जगु प्रदर्शनया थी थी ल्
४-५ पेज

गुथि विधेयक विरुद्धया आन्दोलन न्ह्यु मोडय्

गुथियात स्वायत्तता बीमा:गु मागलिसें निगूगु चरणया आन्दोलन

लहना संवाददाता

गुथि विधेयक विरुद्धया आन्दोलन आ:
न्ह्यु मोडय् थ्यंगु दु । न्हापा गुथि विधेयकयात
खारेज यायमा:गु अलय् सरोकारवाला
पक्षलिसे सहलह, सहमतिया आधारय् न्ह्यु हे
कथंया विधेयक दय्केमा: धका: आन्दोलन
जुयाच्चंगु ख:सा आ: वया: गुथियात
स्वायत्तता बीमा:गु मागलिसेंया आन्दोलन
न्ह्या:गु दु । गुथि धइगु परम्परागत प्रथाजन्य
संस्था जगु अलय् अन्तर्राष्ट्रिय ख्यलय् तकं
अजा:गु संस्थायात स्वायत्तता दुगु, नेपा:या
संविधान व कानून वय् न्ह्य: हे थ:पिनिगु
नियम थ:पिनिं हे दय्का वयाच्चंगु जगुलिं
गुथियात स्वायत्तता बीमा:गु मागलिसेंया
आन्दोलन यायगु क्व:छ्यगु दु । आर्वील
गुथि विधेयक खारेज जक मखु, गुथियात
स्वायत्तता बीमा:गु माग तथा वनेगु नं
औपचारिक रुपं क्व:छिना: न्ह्या:वंगु दु ।

गुथि विधेयकविरुद्ध संयुक्त आन्दोलन
संयोजन समितिया कजि डा. महेशमान श्रेष्ठ,
नेवा: न्ह्यलुवा मल्ल के सुन्दर व अधिवक्ता
शंकर लिम्बुपिन्स आ: गुथि विधेयक विरुद्धया
आन्दोलन गुथियात स्वायत्तता कायगुकथंया
लौपु ज्वना: न्ह्या: वनेमा:गु धयादिल । नेवा:
देय् दबूया नाय: नरेश तामाकारं न्ह्याकादीगु



गुथि विधेयक विरुद्ध संघर्ष यानाच्चंगु संघर्ष समिति, थीथी खल: पुच:निसें
आन्दोलनय् क्रियाशिल जुयाच्चंगु सहभागीपिं सकलें दुथ्याका: छगू परिषद् दय्केगु

उगु ज्याइवलय् आ: आन्दोलनया नितिं मा:गु
संरचनायात कया: उपत्यकाब्यापी सतक
विस्तार पीडित संघर्ष समितिया नाय: सुमन
सायूमिं न्ह्यब्वयादीगु ख: । वय्कलं थुकथंया
संघर्ष ज्याइव: प्रस्ताव यानादीगु ख: ।

सांगठनिक संरचना १) गुथि विधेयक
विरुद्ध संघर्ष यानाच्चंगु संघर्ष समिति, थीथी
खल: पुच:निसें आन्दोलनय् क्रियाशिल

जुयाच्चंगु सहभागीपिं सकलें दुथ्याका:
छगू परिषद् दय्केगु, थुगु परिषदय् लिपा
मा:कथं मनुत ब्यापकता याना यंकेगु । २)
आन्दोलनया नीतिगत खँ थ्व हे परिषद्पाखें
पारित याना वनेगु । ३) न्हियान्हिथंया ज्या
यायगुलिसें परिषद् ज्वंगु नीतियात लागू याना
वनेगु नितिं छगू ज्यासना पुच: दय्केगु ।

ल्यं ७ पेजय्

येँ महानगरं नीति व
कार्यक्रम न्ह्यब्वल



येँ महानगरपालिकाया प्रमुख
बिद्यासुन्दर शाक्य वंगु बिहीवा:
आ.व. २०७६/०७७या नितिं
प्रस्तावित वार्षिक नीति व ज्याइव:
न्ह्यब्व:गु दु । राष्ट्रिय सभागृहय् जगु
न्याक्व:गु नगरसभाया मुँज्याय् प्रमुख
शाक्य वइगु दया नितिं ५गु शीर्षक,
२६गु उप-शीर्षक व १३८गु बुँदाय्
महानगरया वार्षिक नीति व ज्याइव:
सार्वजनिक या:गु दु । असार
४गते च्वंगु नगर कार्यपालिकाया
३४क्व:गु मुँज्याय् नगरसभाय्
प्रस्तावया रुपय् न्ह्यब्वयगु स्वीकृत
या:गु ख: ।

नीति व ज्याइव:या शीर्षकलिसें
उप-शीर्षक

पारदर्शिता, आर्थिक अनुशासन
व सामाजिक न्याययात नाला
कासं भ्रष्टाचारमुक्त विधिया शासन
व्यवस्थायात सुनिश्चित यासे वइगु
दया नितिं नीति क्व:छिगु ख: ।

१. शीर्षक : आर्थिक व
रोजगारी, उप-शीर्षक : खाद्य व
पशु, सहकारी, उद्यमशीलता प्रवर्धन,
उद्योग तथा व्यापार, पर्यटन व
सार्वजनिक निजी साभेदारिता

ल्यं ७ पेजय्

नेवा: समाजय् ल: गुथि

लहना संवाददाता

गुथि विधेयकया विरोधय् खबरदारी
यायत येँया माइतीघर मण्डलाय् कुहां
व:पिं स्वनिग:बासीपिन्त ल: त्वंकेगु
नितिं स्वयम् सेवकापिं मडु । तर स्वनिग:य
सांस्कृतिक परम्पराया गुथ्या:त धा:सा दुगु
ख:, अर्थात ल: त्वंकेगु गुथिया गुथ्या:त ।

विक्रम सम्बतकथं न्हूदँया इलय्
धिनाच्च, फूच्च व ल्हूति पुन्हिबलय्
जामाच्चय् मेला जुइगु ख: । उगु इलय्
धिनाच्चया भज्याङ्गय् ल: दुगु घ: व
जगलिसे मनुतयगु पुच:त दइगु ख: ।
उमिगु ज्या धइगु अन वइपिं मनुतयगु
प्या:चा: लंकेगु ख: ।

थथे ल: त्वंकेगु चलन थौंकन्हय्
या मखु, मल्लकालनिसें हे ख: । गुथिया
व्यवस्था याना: थुगु परम्परायात निरन्तरता
बिया वयाच्चंगु पुच: खोनाया सिकाली
ल: खल: ख: । अप्व:सित घ:प्याखं
लहुइकीगु गुथि, सी गुथि वा नख:चख:
हनीगु गुथियात कया: जानकारी दय्फु,
तर थजा:गु ल: त्वंकीगु गुथिया जानकारी
महो हे मनुतयत्त जक दइ ।



ल: गुथिया गुथ्या: खोकना,
थलाछें त्वा:या ५८दँया विष्णुनाथ
महर्जनया कथं पुर्खा गुथि न्ह्याकेगु नितिं
आयस्ताया व्यवस्था यायत जग्गा जमीन
दान बिल । लिपा मनुतयसं धमाधम
थ:थ:गु नामय् दर्ता यात । थौंकन्हय्
गुथ्या:तयसं व्यक्तिगतकथं हे धेबा
मह्या: थुगु गुथि न्ह्याका वयाच्चंगु वय्
क:या धापू दु ।

थुगु गुथिइ मुक्कं २०मह दुज:पिं
दु । वय्क:पिं बुंगद्य:या रथ सालेगु
जात्रा, सिकाली जात्रा व गामय् जुइगु
महोत्सवया इलय् न्ह्यागु ज्या नं त्व:ता:
थथे ल: त्वंकेगु ज्या यानाच्चंगु दु ।

ल्यं ७ पेजय्



सम्पादकीय



मानवाधिकारया दायरापिने सांसद चौधरी

शौकन्हय तसकं चर्चा जुयाचवंगु दु, बन्दी दयकातःम्ह सांसद रेशम चौधरीयात नेपाःया ज्येष्ठ अस्पताल वीर अस्पतालया वासः याकाचवंगु इलय तुती न्यवः तयातःगु किपाः । थुगु किपालं यानाः मानवाधिकारया ख्यलय तसकं चर्चा हयाब्यूगु दु । नापं नेपाःया मानवाधिकार गन दु धइगु नं न्हयसः ब्वलंगु दु । सायद थ्व हे खँयात त्वपुइकथं प्रधानमन्त्री केपी शर्मा ओलीं तत्काल हे चौधरीयात न्यवः न्ह्याकूम्हेसित तुरुन्त हे कारवाही याय्त मुख्य सचिव लोकदर्शन रेग्मीयात फोनपाखें उजं बियादीगु जुइ ।

मानवाधिकार विधेयकयात कयाः आलोचना जुयाचवंगु इलय हाकनं मानवाधिकार उल्लंघन जूगु थजाःगु घटनां यानाः धात्थें प्रधानमन्त्रीया 'सुखी नेपाःमि, समृद्ध नेपाः'या म्हगस नं गनं धात्थें म्हगस हे जक जुयाचवंगु मखु ला ? धइगु आशंका ब्वलंकाब्यूगु दु ।

कैलाली क्षेत्र नं १ पाखें निर्वाचित जुयादीम्ह रेशम चौधरी राष्ट्रिय जनता पार्टीपाखें सांसद जुयादीगु खःसा तत्कालीन टीकापुर घटनाया आरोपीकथं वयकःयात अदालतं सजाय न्यकूगु खः । वयकःयात छम्ह अपराधी धकाः घोषित यानाः नं सांसदया सपथ ग्रहण याकेगु ज्या जुलसा हाकनं वयकःया जेलय तयगु नं ज्या जुल । थुगु हे हुनिं वयकलं आः बन्दी जीवन हनाचवंगु दु । थ्व हे इवलय वयकःयात उसांय्या समस्या वयवं वासः यायगु निर्तिं वीर अस्पतालया हःगु खःसा वासः यायगु इवलय तकं वयकःया तुती न्यवलं चिनातयगु गुलितक सान्दर्भिक जू व मानवाधिकारया उल्लंघन खः कि मखु धइगु न्हयसः ब्वलंगु खः ।

थुकियात कयाः पुलाम्ह प्रधानमन्त्री डा. बाबुराम भट्टराई नं थजाःगु अमानवीय व्यवहार ला जनयुद्धकालीन अवस्थाय तकं मजगु व थ्व तसकं हे अन्यायपूर्ण घटना जूगु धयादिसें याकनं स्वयां याकनं तुती चिनातःगु न्यवः लिकायत माग याःगु खः । वयकःया धापूयात हे लिसा कायगु खःसा नं शौकन्हय मानवाधिकार गन थ्यनाचवंगु दु, अलय छम्ह साधारण बन्दी जक मखु, गरिमामय संसदया छम्ह दुजः गुम्ह बन्दी जीवन हनाचवंगु दु, वयकःयात हे थुकथंया व्यवहार जुइगु खःसा मेमेपिं गुपिं सञ्चार माध्यमया नजरं तापाना च्वनीपिं खः, उमिगु अवस्था गथे जुइ ले ?

थजाःगु खँ स्वयंबलय चीधंगु जूसा नं थुकिं मानवाधिकार क्षेत्रय सरकारया दृष्टिकोण छु खः अथवा मानवाधिकारयात कयाः सरकार गुलि सम्बेदनशील जुयाचवंगु दु धइगु स्पष्ट यानाब्यूगु दु । सरकारया थजाःगु व्यवहारयात कयाः सकस्यां बिचाः यायमाःगु खनेदु ।

त्वमिपिठत इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वाःपौ

भोछें, यँ

lahana.news@gmail.com

विधेयक लित काय् धुंकाः भीसं छु यायगु ?

भीगु दवावं विधेयक लित काय्केगु जक हे भीगु विजय मखु, थ्व दवावया उपयोग भीसं महेन्द्रया भूमिसुधार अलय गुथि संस्थान दयकाः भीगु मौलिक गुथि परम्परायात लाकूगु लिच्वःया क्षतिपूर्ति जुइकथं न्ह्यु गुथि सम्बन्धी सरकारी दायित्व सहितया विधेयक हय्के फत धाःसा जक भीगु धात्थेंगु विजयी जुइ ।




सानुराजा शाक्य

गुथि विधेयक सरकारया निर्तिं तःधंगु शिक्षा जूगु दु । सरोकारवालात नाप दुयंग सहलह मयासे हइगु विधेयकया हविगत गजाःगु जुइ धइगु दसु जुल गुथि विधेयक । सरकारं थ्व खँयात वाः चायकूगु नं दु । थ्व विधेयक लित काय्केत जनदवाव जक मखु कि सत्तारूढ दलया नेवाः नेता कार्यकर्तातसें नं डिपी यानाः लित मकाल धाःसा उकिं ब्वलंकीगु विरोध फयां फय् मफइगु अवस्थयात कयाः नेतातयत् सचेत याकूगुलिं नं सरकारं विधेयक लित काय्केत न्हयःच्युगु खः । मखु धइगु खःसा ला सरकारया मानसिकता दुई तिहाई थःगु पक्षय् दु, छू विधेयक लित काल धाःसा मेमेगु विधेयक नं लित काय्मालीगु अवस्थाय सरकार मछिंगु अवस्थाय लाइ, विधेयक कानून धइगु संसदं दय्केगु खः न कि सतकं धकाः सत्तारूढ दलया सुं नेतात हालाचवंगु खः, तर जनदवावया न्हयःने सुयां छुं लगय् मजुल ।

विधेयक दय्कूपिन्सं गुथिया चरित्र, अवस्था व उकिया सामाजिक मूल्य मान्यता व साँस्कृतिक पक्षयात अध्ययन मयासे गुथि धइगु जग्गानाप जक स्वानाः विधेयक हःगुलिं हे थ्व समस्या पिदंगु दु । गुथिया अंग्रेजी अनुवाद ट्रष्ट धकाः थुइकूसां गुथियात ट्रष्टया रुपय् नेवाःतयगु गुथियात स्वयगु पाय्छि मजू । नेवाःतय् धार्मिक साँस्कृतिक व संस्कार अलय परोपकारी ज्यानाप स्वानाः दयकातःगु गुथि छुं ज्या न्ह्याकेत खः । थ्व कम्युन टाइपया, समुदाय हे सहभागी जुइगुकथंया अमूर्त साँस्कृतिक सम्पदाया रुपय् विकास जुया वयाचवंगु दु, तर पिने जिल्लाया हिन्दू धार्मिक मठ मन्दिरालिसे स्वानाचवंगु गुथि उबलयया राजा महाराजतसें छू ट्रष्टया रुपय् स्वनातःगु खनेदु । थजाःगु गुथि नेवाः समाजया गुथि नाप ज्वःमलाः । उकिं हे गैरनेवाःतसें गुथियात स्यकाः 'गुठी' धकाः धायगु चलन याःगु जुइ । नेवाःतय् गुथि गुथ्याः दइसा पिने जिल्लाया 'गुठी' मठ मन्दिरय पूजा व संस्कार न्ह्याकातयत् पूजारी, मठाधीस व अजाःगु मठ मन्दिरयात आयस्ताया रुपय् फ्यानातःगु जमिननाप स्वानाचवंगु मोहीत दइ । उकिं नेवाःतय् गुथि व पिने जिल्लाया गैरनेवाःत नाप स्वानाचवंगु 'गुठी'या चरित्र हे पाः । तर विधेयक हःबलय् नेवाःतयगु गुथियात ध्यानय तयाः स्वयां पिने जिल्लाया 'गुठी'यात ध्यानया तयाः हःबलय् थुकिं नेवाःतय् गुथियात अःखः असर लाकीगु खनेदत । गुकिं यानाः नेवाःतसें न्ह्याकाचवंगु, तर देय्या साँस्कृतिक पहिचानया रुपय् विश्वय् नांजाःगु अमूर्त साँस्कृतिक सम्पदा

हे दीगुकथं विधेयकं न्वात । उकिं तसकं विरोध जूगु खः । गुथियात व्यवस्थित यायगु खःसा नेवाःतसें न्ह्याकाचवंगु गुथि व पिने जिल्लाया दुगु गुठीया समस्यायात कयाः अलग अलग हे परिभाषा बियाः विधेयक दय्केमाः । छू हे बाजि दालाय तयाः विधेयक दयकल धाःसा हाकन नं समस्या ब्वलनी । नेवाःतय् गुथि परम्परा अजाःगु अमूर्त साँस्कृतिक सम्पदा खः, गुकियात यूनेस्को अन्तर्गत विश्व सम्पदाया रुपय् हे दुथ्याके बहः धकाः नेवाःतय् बारे अध्येता बेलायतया अक्सफोर्ड विश्वविद्यालयया प्राध्यापक डा. डेभिड गेल्लरं नं धयादीगु दु । पत्रकार मयजुनाप फोटोग्राफर रेखा शाक्य थःगु सामाजिक सञ्जालय छू पोष्ट तयातःगु दु "जो सुस्ताउँछ त्यो अस्ताउँछ ।" वयकलं वंगु असार ४ गते फिब्वख्यलय गुथि विधेयकया विरोधय् नेवाःतय् तःजिगु प्रदर्शन धुंकाः विरोध प्रदर्शनया निरन्तरताया आवश्यकतायात संकेत यानादीगु खः । थ्व

जात्रा व साँस्कृतिक परम्परात न्ह्याकेत संभव दुगु खः । लिपा वनाः भूमिसुधार लागू यानाः उकी मोहियानी हक लगे यानाः जग्गाया छू ब्वः मोहीया नामय् अलय ल्यं दुगु गुथि संस्थानं दुतकयाः साँस्कृतिक परम्परा न्ह्याकेत गुथि संस्थानं बीगु अनुदान सीमित जक जुया वनाः साँस्कृतिक परम्परा न्ह्याकेत तकं थाकुल । गुलि परम्परा, जात्रा पर्व गुथि संस्थानया कारणं हे दिनावंगु यक्व दु । उकिं गुथि संस्थान प्रति नेवाःतय् गुथि सकारात्मक जुइमफूगु खः । गुथि संस्थान हयाः भीगु गुथिनाप स्वानाचवंगु जग्गा जमीन लाका कयाः जात्रा पर्व न्ह्याके मफइगु अवस्थाय थ्यंकल धकाः द्वपं बियाच्वना । उकिं गुथि संस्थानया विकल्प ला भीत माः हे माः, तर गुथि संस्थानया विकल्प धकाः वःगु प्राधिकरण भन्ने हे महा गुथि संस्थानया रुपय् वयत्यंगुलिं भीगु तःजिगु विरोध खः । जात्रा, पर्व, साँस्कृतिक परम्परा न्ह्याकेत स्वनातःगु राजगुथिया जग्गा



जात्रा, पर्व, साँस्कृतिक परम्परा न्ह्याकेत स्वनातःगु राजगुथिया जग्गा जमीन ला गुथि संस्थान स्वनाः जग्गा जमीन दुकायधुकल, तर प्राधिकरण हयाः नितान्त नीजि गुथियात नं सरकारं अपहरण यायत्यंगु आशंका ब्वलंगु खः ।

छू समस्या खः कि तःजिगु प्रदर्शन धुंकाः प्रदर्शनकारीत सुस्त जुया वनीगु । सरकारं विधेयक लित काःसां उकियात परिमार्जित यानाः हाकनं मेगु विधेयक हइ तिनि, उबलय् भीगु दवावयात निरन्तरता मबिल धाःसा सरकारं यक्व खँ मथ्युसे व हे विधेयकयात हइ धइगु आशंकां नं दवावया निरन्तरताया महसूस जूगु खः ।

तत्कालया निर्तिं भीसं गुथि विधेयकया विरोध याःसां गुथि संस्थानयात हे निरन्तरता बियाच्वनेगु भीगु हितय् नं मखु । थुकियात परिमार्जित यानाः संघीय शासन व्यवस्थानाप ल्वयक कानून हयमाःगु आवश्यकता ला दु हे दु । भीगु दवावं विधेयक लित काय्केगु जक हे भीगु विजय मखु, थ्व दवावया उपयोग भीसं महेन्द्रया भूमिसुधार अलय गुथि संस्थान दयकाः भीगु मौलिक गुथि परम्परायात लाकूगु लिच्वःया क्षतिपूर्ति जुइकथं न्ह्यु गुथि सम्बन्धी सरकारी दायित्व सहितया विधेयक हय्के फत धाःसा जक भीगु धात्थेंगु विजयी जुइ ।

जात्रा पर्वनाप स्वानाचवंगु गुथिनाप स्वानाचवंगु जग्गा जमीन गुलि ला उबलय् हे भूमिसुधार लागू जुयाः लिपा वनाः गुथि संस्थान स्वनाः दुकायधुकल । न्हापा गुथिनाप स्वानाचवंगु जग्गा जमीनया आयस्तां हे भीगु

जमीन ला गुथि संस्थान स्वनाः जग्गा जमीन दुकायधुकल, तर प्राधिकरण हयाः नितान्त नीजि गुथियात नं सरकारं अपहरण याय त्यंगु आशंका ब्वलंगु खः । सरकारं गुथिया जग्गा जमीनय् मिखा ब्वइगु, तर दायित्व धाःसा पूमवंकीगु फाकूगु अनुभव दु । लिपा राजनीतिक दृष्ट्याः लिपा थजाःगु जात्रा पर्व व साँस्कृतिक परम्परायात स्थानीय निकायपाखे आर्थिक अनुदान बियाः ग्वाहालि यानाचवंगु थजाःगु साँस्कृतिक परम्परा व मौलिक पहिचानलिसे स्वानाचवंगु जात्रा पर्वयात सरकारया आर्थिक, भौतिक दायित्वया रुपय् गुथ्याःतयत् संगठीत यानाः ग्वाहालि यायमाःगु कथं कानून हयमाःगु आवश्यकता दु । थजाःगु कानून विधेयक मार्फत वयमाः । थुकिया निर्तिं गुथियात वर्गीकरण यानाः छुं छुं जात्रा पर्व, साँस्कृतिक परम्परायात संघं, प्रदेश व स्थानीय निकाय नं स्वयगु जक मखु कि दायित्व नं कुबीगु धइगुकथं धकाः विधेयक वयमाः । तर सरकारं लित काःगु विधेयकय् दायित्व स्वयां नं सरकारं थःगु अधिकार क्वत्यालाः आम्दानी यक्व दुगु गुथियात च्वय् आम्दानी आयस्ता हे मडुगु गुथियात न्हनावसा ज्युकथं धकाः वर्गीकरण यायत् स्वल । थजाःगु खँय् नं भीगु आपर्ति खः ।

गुथि विधेयकं हःगु तरङ्ग

टिकाराम धिमिरे/केदार सिलवाल

नेपालय् गुथि परम्परा प्राचीनकालनिसँ हे न्ह्याना वयाच्वंगु खः । सामाजिक आस्था व विश्वासया लिधंसाय् नीस्वनातःगु व न्ह्याका वयाच्वंगु गुथिइ गुलि प्राचीनता दु, उलि हे थीथी पक्ष नं दु । थीथी सम्प्रदाय, पन्थ व मतावलम्बी गुथिइ आबद्ध जुयाच्वंगु दु । उकिं थ्व समाजलिसे स्वानाच्वंगु दु व समाजया नापनापं न्ह्याः वनाच्वंगु दु । शुरुया दिनस गुथि सुनां तल, वं हे न्ह्याकीगु खः । विकासया इवल्य गुथि न्ह्याकीबलय् समाज व राज्यया संलमता व भूमिका खनेदत । निजी गुथि पारिवारिक दायराय् हे दुसां नं गुथ्याःत च्चनाः समिति दयेकेगु, आय व व्ययया विवरण दयेकेगु व इलय् मुँज्या च्चनाः सहलह याय्गु व गुथिया तातुनाकथं ज्या न्ह्याकेगु व खर्च याय्गु प्रणालीया विकास जुल ।

प्यंगू न्यागु दशक न्ह्यःतक निजी गुथि गुथ्याःपाखें ल्यःपिं प्रतिनिधि वा समिति न्ह्याका वयाच्वंगु खःसा राजगुथि, छुट्ट गुथिया बन्दोबस्त राज्यं याना वयाच्वंगु खः । गुथि सम्बन्धि ऐन २०३३ जारी जुइधुंकाः राजगुथि व छुट्ट गुथि 'गुथि सस्थान' या दुने वल । आः निजी गुथि बाहेकया गुथि स्वयम्, न्ह्याकेगु व सम्बद्धन सम्बन्धि ज्या गुथि संस्थानं यात व थौंतेक नं थुकथं हे न्ह्याना वयाच्वंगु जुल ।

लिपांगु दैय् गुथि न्ह्याकेगु व व्यवस्थापनय् थीथी समस्यात खनेदत । गुथि थःपिन्त दय्कमाःगु कूत, तिरो इलय् हे काय् मखन । गुथिया सम्पति थीथी हुनिं हानी नोक्सानी व अतिक्रमणय् लाःगु दु । स्वयम् गुथि संस्थानं थःगु सम्पतिया पहिचान, संरक्षण व सदुपयोग याय् फयाच्वंगु मदु । गुथि जग्गा यानाच्वीपिं किसान, मोहीतय्गु जग्गाया स्वामित्वयात कयाः थःगु हे गुनासो दु ।

थजाःगु थीथी समस्यायात सम्बोधन याय्त गुथि ऐन २०३३स सामयिक संशोधन याय्माःगु खनेदत । संघीय संरचनायात ध्यानय् तयाः जुइफु, सरकारं गुथि सम्बन्धि ऐनय् संशोधन प्रस्ताव मयासे न्ह्यु ऐनया नितिं "गुथि सम्बन्धि कानूनयात एकीकरण व संशोधन याय्त दय्कम् विधेयक २०७५" संसदय् न्ह्यब्वल, गुगु पारित जूम् अवस्थाय् गुथि संस्थान ऐन २०३३ खारेज जुइ ।

प्रस्तावित गुथि विधेयकय् दुथ्यानच्वंगु प्रावधानत सार्वजनिक जुइवं वहस न्ह्यात व स्वनिगःया गुथ्याःत विधेयकया विरोधय् कुहांवल । विरोधया लहर देय्-य्क न्यनावनाः सरकारं राष्ट्रियसभाय् दर्ता याःगु गुथि विधेयक असार ३ गते लित काय्गु घोषणा यात । तर स्वनिगलय् न्ह्यानाच्वंगु विरोधया ज्याइवः धाःसा अर्भ मद्युनि ।

असार ४ गते यँया माइतीघर मण्डलाय् इलंढः गुथ्याःपिनिगु सहभागिताय् गुथि विधेयक संयुक्त प्रतिरोध ज्याइवः ग्वयाः सरकारं लित काय् धकाः घोषणा याःगु विधेयक खारेजीया माग यात । सरकारयात खबरदारी याय्त विरोधसभा याय्गु धाःसां नं गुलिखे बक्तापिन्सं सरकारया थीथी मन्त्रीपिनिगु राजीनामा तर्क फनेगु नापं नारा थ्वय्कम् खः । इलंढःया ल्याखय् दुपिं ज्याइवःया सहभागीपिन्सं उग्र नारा व बक्तापिनिगु विरोधया ज्याइवः न्ह्याका च्चनेगु धइगु धापुतिं सरकारया नितिं छ्यं स्याइगु विषय जुइफु ।

विधेयकया विवादित छुं छुं दफा

थौकन्ह्य् संघीय संसदय् न्ह्यब्वःगु गुथि सम्बन्धि कानूनयात एकीकरण व संशोधन याय्त दय्कम् विधेयक, २०७५य् दुथ्याःगु छुं छुं दफां गुथिया मूलभूत मान्यताय् लिच्छः लाइगु व गुथिया अधिकार मदइगु वा संकुचन याइगु ब्यहोरा तयातःगु खनेदु ।

गुथि संस्थान, निजी गुथि व जग्गा जोतभोग याइपिं किसान निगू पक्ष दय्वं लिपा जग्गाया बाँडफाँड भूमि सम्बन्धि ऐन २०२१कथं बच्छि बच्छिया दरं जुइमाःगु कानूनी प्रावधान दय्कदय्कं थन किसानतय्त अप्वः प्राथमिकता बियाः गुथि (निजी गुथितर्क)या नामय् दर्ता कायम जूगु जग्गा बाँडफाँड यानाः गुथिया नामय् कायम जुइगु बच्छि अर्थात ५०गु प्रतिशत जग्गा नं राजीनामा पारित याय्गु प्रयोजनया नितिं क्वःछिनातःगु न्यूनतम भाःया २५गु प्रतिशत धेवा गुथियात बियाः गुथिया भागय् लाःगु जग्गा तर्क किसानं न्याय्दइगु कानूनी प्रावधान प्रस्तावित विधेयकया दफा ५८(८)य् तयातःगु खनेदु ।

प्रस्तावित विधेयकया दफा ५३या प्रावधानं गुथिया मूल सम्पत्तिकथं दयाच्वंगु तैनाथी जग्गा कौडीया भावय्

मियाः गुथिया हे तःधंगु नोक्सानी जुइगु खनेदु । थन 'तःधंगु हानी' छाय् धाःगु धाःसा न्हापा ला मोही तर्क लगय् मजुइकं संरक्षण याना वयाच्वंगु तैनाथी जग्गा विधेयक ऐनया रूप काय्वं क्वचाइगु जुल । निगूगु खँ राजीनामा पारितया नितिं क्वःछिनातःगु न्यूनतम मूल्याङ्कन धाःगु न्यूनतम हे खः वा जग्गाया चलनचलतीया भाः स्वयां तसर्क हे म्हे खः । न्यूनतम भावय् थौं जग्गा स्वीकार यानाः कन्हय् खुन्हु हे मीबलय् भावय् यक्व हे अन्तर जुइ । थजाःगु अवस्थाय् कथं कदाचित तैनाथी जग्गाय् छँ दय्काः च्वीपिं मनुतय्सं न्यूनतम भाःतर्क पुले मफूसा जग्गाय् लगानी याइपिं मनुतय्सं चलखेल याइगु अतिकं सम्भावना खनेदइ ।

दफा ५३(१) पाखें थुगु ऐन प्रारम्भ जुइ न्ह्यः गुथि तैनाथी जग्गाय् सुनां थःगु पूँजी नापं श्रमपाखें छँ दय्का च्चनाच्वंगु जूसा प्राधिकरणं क्वःछिनातःगु ईया दुने उगु विवरणलिसे अजाःगु जग्गा गुथि रैतानी नम्बरीइ परिणत याय्त प्राधिकरणं क्वःछिनातःगु ज्याकुथिइ निवेदन बीमाः व उपदफा (३)कथं प्राधिकरणं रजिष्ट्रेशन प्रयोजनया नितिं प्रचलित न्यूनतम मूल्यय् निवेदकयात छँ व छँ कःघानातःगु हदतकया जग्गा बीफइ । थुकिं गुथि तैनाथी जग्गाय् आः धमाधम छँ दय्कीगु जुल व गुथि तैनाथी जग्गा रैतानीइ परिणत जुयाः ब्यक्ति विशेषया स्वामित्वय् वनीगु अवस्था खनेदत ।

०७४ सालय् पारित जुयाः २०७५साल भाद्र १ गतेनिसे लागू जूगु मुलुकी देवानी (संहिता) २०७४या दफा २७९स दुगु व्यवस्थायात प्रस्तावित गुथि विधेयक पूर्वक हे मखंगु (अनदेखा) क्यनातःगु दु । छायाःसा थन गुथि



कानूनय् दुगु व्यवस्थाकथं राजगुथि, निजी गुथि न्ह्यागु जूसां नं भूमिसुधारया २ नं. अनुसूचि व क्षेत्रीय सफुतिइ न्ह्यथनातःम्ह मनुखं मोहियानी हक प्राप्त जुइ । थुकी छुं नं द्विविधा मदु । तर जग्गाधनी व मोही कानूनकथं जग्गा बाँडफाँड यानाः थःथःगु स्वामित्वय् वःगु जग्गा छु याय्गु ? सुयात बीगु वा मबीगु ? व ब्यूसा गुलि भावय् बीगु वा मीगु धइगु अधिकार जग्गा धनीयात दय्माः । अजाःगु जग्गा चाहे गुथि संस्थानया जुइमा, निजी गुथि जुइमा वा सु नं मनु व निकायया ।

कानूनी ब्यक्ति खःसा छँ दय्कूह प्राकृतिक ब्यक्ति खः । निम्ह ब्यक्ति कानूनया दृष्टि समान जुइ । सहमति मकासे सुयागु जग्गाय् जबरजस्ती छँ दय्कूह मनु मुलुकी देवानी (संहिता)या दृष्टि दण्डनीय खनेदइसा प्रस्तावित गुथि विधेयक अजाःम्ह मनुयात पुरस्कृत याय्त स्वःगु खनेदु ।

भूमि सम्बन्धी ऐन २०२१य् दुगु व्यवस्था

भूमि सम्बन्धी ऐन २०२१कथं गुथि रैकर लिसेंया जग्गाय् मोही लगय् जुइ वा मजुइ धइगु निर्णय याय्गु अधिकार निकाय भूमिसुधार कार्यालय खः । भूमि सम्बन्धि ऐनया प्यक्वःगु संशोधन २०५३लिपा जग्गाय् दोहोरो स्वामित्व सम्बन्धि प्रावधान न्हंकाख्वःगु दु । तर २०५३ साल पुष २४ गते स्वयां न्ह्यः सुना नं माःगु दसिलिसे मोहियानी हक कायम जुइ दय्माः धकाः निवेदन भूमिसुधार कार्यालयस दर्ता याःगु दुसा व लिपा नं अजाःगु फाइलयात कानूनकथं मोही कायम याय्त पंगः मजुइगु कानूनी प्रावधान दु ।

कानूनय् दुगु व्यवस्थाकथं राजगुथि, निजी गुथि न्ह्यागु जूसां नं भूमिसुधारया २ नं. अनुसूचि व क्षेत्रीय सफुतिइ न्ह्यथनातःम्ह मनुखं मोहियानी हक प्राप्त जुइ । थुकी छुं नं द्विविधा मदु । तर जग्गाधनी व मोही कानूनकथं जग्गा बाँडफाँड यानाः थःथःगु स्वामित्वय् वःगु जग्गा छु याय्गु ? सुयात बीगु वा मबीगु ? व ब्यूसा गुलि भावय् बीगु वा मीगु धइगु अधिकार जग्गा धनीयात दय्माः । अजाःगु जग्गा चाहे गुथि संस्थानया जुइमा, निजी गुथि जुइमा वा सु नं मनु व निकायया ।

छु गुथि सामन्तवादाय अवशेष खः ला ?

आस्था वा विश्वास छुं नं वाद स्वयां च्वय् जुइ । नेपालय् दुगु अप्वः धइथं गुथि साविकय् सुं नं ब्यक्ति, परिवार वा समुदायं थःथःगु हकभोगय् दुगु जग्गा जमीन तयाः थीथी देगः, फल्चा, सतः, मठ-मन्दिर, धर्मशाला, ब्वनेकुथि, स्वास्थ्य संस्था, लै, बुंगाः, तुं आदि दय्काः

सार्वजनिक हीतया नितिं न्ह्याका वयाच्वंगु खनेदु । नेपाःया अभिलेखकथं गुथिया इतिहास हे १५/१६सः दै पुलां । मानदेवकालीन चाँगु नारायणया ल्वहंपी व चाबहीया देवपाटनय् च्वंगु मानदेवया इलय् सम्बत ३९९ अर्थात वि.सं. ५३४या ल्वहंपी थुक्रिया दसि जुयाच्वंगु दु । मानदेव स्वयां न्ह्यः नं गुथि नीस्वनेगु परम्परा दु धइगु मान्यता दु ।

यँया पशुपतिनाथ गुथि, धनुषाय् च्वंगु श्रीरामचन्द्र गुथि, जानकी मन्दिर गुथि, महोत्तरी, मटीहानीइ च्वंगु श्री लक्ष्मीनारायण गुथि, डोटीइ च्वंगु शैलेश्वरी गुथि, बराहक्षेत्र गुथि, दाङ्गय् च्वंगु पात्र देवता गुथि, गोरखनाथ गुथि, मुक्तिनाथ गुथिलिसे ७७गु जिल्ला मध्ये ६९गु जिल्लाय् दुगु तःधंगु चीधंगु गुथि न्यनाच्वंगु दु । थ्व फुकव गुथि माःगु बन्दोबस्त व संरक्षणया अभावय् अतिक्रमणय् लानाच्वंगु दु । थजाःगु अवस्थाय् लानाच्वंगुयात सुधार यानाः ब्यक्ति, परिवारपाखें गुथि तयातःगु उद्देश्यकथं धर्म, संस्कृति, परम्परा, जात्रा, पर्व हनेत/न्ह्याकेत ग्वाहालि याय्गु पलेसा प्रस्तावित गुथि विधेयकं थजाःगु कथंया गुथियात गन थंकाबी धइगु चिन्ता अप्वया वंगु जक खः ।

निजी गुथिया इतिहास नं संलसः पुलां जू । स्वयम्भू च्याइ गुथि, मनमानेश्वरी गुथि, बतीस पुतलीइ च्वंगु रामचन्द्र गुथि, स्वर्गद्वारी गुथिलिसे आपालं चीधंगु तःधंगु निजी गुथित दु । निजी गुथि तय्गु परम्परा देशया थीथी भागय् स्वयां स्वनिगलय् अप्वः खनेदु । छ्म मनुखं थः परिवारया नितिं छपी वा व स्वयां म्हे जग्गा तयाः 'सी गुथि'थें जाःगु नितान्त पारिवारिक निजी गुथि न्ह्याका वयाच्वंगु दु । थःगु भागया सम्पत्ति क्वपालाः तयातःगु सलंसः रोपनी, विगाहा जग्गा

विवादित जूगु दु ।

अथे हे प्रस्तावित विधेयकया दफा २२स दुगु गुथि वा धार्मिकस्थलया दय्केत स्वीकृति काय्माःगु व्यवस्था, दफा २३स दुगु गुथिया हकदायित्व प्राधिकरणय् वनीगु, दफा २४स गुथ्याःया अधिकार स्वतः क्वचाइगु प्रावधान व उगु विधेयकया दफा ५३य् गुथि तैनाथी जग्गाय् दय् कातःगु छँ व उगु छँ कःघानाच्वंगु जग्गा न्यूनतम भावय् मनुखं काय्फइगु व्यवस्था, दफा ५४य् दुगु गुथ्याः नापं गुथ्याःया हकवालाया हक समाप्त जुयाः प्राधिकरणया हक कायम जुइगु व्यवस्था, दफा ५६या मोहियानी हक व रैतानी सम्बन्धि व्यवस्था अन्तर्गत मोहीयात बियातःगु एकतर्फी व असमान अधिकार लिसेंया प्रावधानं परम्परानिसं न्ह्याका वयाच्वंगु धार्मिक, साँस्कृतिक, सामाजिक, शैक्षिकलिसेंया ज्याखँयात अंकुश तयाः अन्तय् थजाःगु ज्याखँ क्वचाइगु तर्क ठहर यासं गुथ्याःत आन्दोलित जूगु खनेदु ।

किसानया समस्या व माग

गुथिया जग्गा भोग यानाच्वीपिं, कमय् यानाच्वीपिं मनुत अर्थात किसानत जग्गा थःथःगु नामय् दर्ता जुइमाःगु माग यानाच्वंगु दु । सुनसरी, धनुषा, महोत्तरी, स्वनिगः, रसुवा, सिन्धुपाल्चोक, गोरखा, दाङ, मुस्ताङ जिल्लाया गुथि जग्गाया स्वामित्वयात कयाः विवाद खनेदुगु खः । थुकथंया विवाद मेमेथासय् नं खने दय्फु । उकिं सरकारं लित काय्धुंकेगु गुथि विधेयकयात कयाः सरोकारवालालिस सहलह यानाः गुथि व किसानया हीत जुइकथं न्ह्यु मस्यौदा हय्माःगु खनेदु ।

किसानया मागयात सम्बोधन याय्त भूमि सम्बन्धि ऐनय् दुगु मोहियानी सम्बन्धि प्रावधान कार्यान्वयन याय्गु छगु विकल्प जुइफु । तर मोहियानी सम्बन्धि प्रावधान गुथि तैनाथी जग्गाया हकय् लागू याय्गु पाय्छि जुइमखु । निजी गुथिया सम्बन्धय् सर्बोच्च अदालतं ०६४सालय् याःगु फैसला आःतक अन्तिम जुयाच्वंगु अवस्था दु । न्हापाया निर्णयपाखें रैतान नम्बरीइ परिणत जूगु निजी व तैनाथी बाहेकया गुथि जग्गा हिनामिना जुयाः धर्म, संस्कृति व परम्परा हे न्हनावंगुयात कयाः सर्बोच्च अदालतं चिन्ता व च्यूताः तःगु खनेदु ।

प्रस्तावित गुथि विधेयकं सर्बोच्च अदालतया उगु फैसलापाखें दिनाच्वंगु रैतान परिणत सम्बन्धि प्रावधानयात चीकेगु प्रस्ताव याःगु खः । निजी वा राजगुथिया जग्गा यानाच्वनीपिं किसानत हे खः । उकिं ०५३साल स्वयां न्ह्यः मोहीया हक काय्बहःपिं, नियमकथं मोही लगय् जुइगु जग्गाय् किसानयात मोहियानी हक बीगु, दर्ता ल्यदनीगु विर्ता जग्गा मोहीया नामय् (विर्ता उम्मूलन ऐन २०१६कथं) दर्ता याना बीगु व बाँडफाँडपाखें गुथिया भागय् लाःगु जग्गाय् ज्या याकेबीगु वा मेमेगु व्यावसायिक प्रयोजनय् छ्यलीबलय् न्हापां प्राथमिकता मोहीयात सशर्त बीकथं न्ह्यःने वनेफइ । सहलहपाखें वइगु राय, सुभाव मेमेगु अर्भ बांलाःगु व महत्वपूर्ण नं जुइफु ।

निष्कर्ष

नेपाःया संविधानया धारा ११६ नं गथि धेवा (देवस्व) संघीय सञ्चित कोषय् जग्गा मजुइगु व्यवस्था याःगु दु । आःया संविधान स्वयां न्ह्यः जारी जूगु संविधानय् नं थुकथंया व्यवस्था दु । राणाकालय् ला राजस्व व देवस्वयात स्वयम् दृष्टिकोणय् हे तःधंगु अन्तर दुगु खः व देवस्व च्यक्वय् लाइ, हिनामिना जुइ व भुक्के जुयाः राजस्वय् ल्वाकज्याइ धकाः शासक, प्रशासकत तसर्क सतर्क जुयाच्वनीगु ऐतिहासिक दस्तावेजपाखें सीदु । थुक्रिया अर्थ राज्यं हे गुथि सम्बद्ध विषय धार्मिक, साँस्कृतिक आदि पक्षलिसे सीमित जुइमा धइगु खनेदु ।

आःतक नं गुथि जग्गा न्याय्गु, देवस्वया सञ्चालन व छ्यलाबुलाय् गुलिखे मनुत लिचिलीगु अवस्था दय्क दय्कं विद्यामा संवैधानिक व मेमेगु कानूनी व्यवस्थाया प्रतिकूल जुइकथंया प्रस्तावित गुथि विधेयकय् लाःगु गुलिखय् प्रावधानं यक्वसित सशर्कित याःगु दु । थुक्रियात राजनीतिक दृष्टि स्वय्गु व छुं नं वादलिसे स्वानाः ब्याख्या याय्गु स्वयां राष्ट्रिय पहिचानया कथं न्ह्यःने दनाच्वंगु मौलिक संस्कृति व परम्परायात त्यकेगु नितिं न्ह्यज्याय् माःगु थौंया आवश्यकता खः ।

(ईकथं सान्दर्भिक जूगुलिं थुगु च्वसु अनलाइनखबरपाखें न्ह्ययाकयागु खः । सं.)





हिसिला कीर्तिपुरया मह्याय्मचा जुयाः “कीर्तिलक्ष्मी” जूगु खः ला ?



विजयरत्न असंबरे

नेपाःया संकिपाख्यलय हिंसिला महर्जनयात आपासिनं “राजमति”या नाम महसीका वयाच्वंगु दु। “राजमति कुमति जिके वःसा पिरती” धकाः भीसं म्ये न्यना वयाच्वना। थ्व सलंसः दै न्यःनिसं तसकं लोकह्वाना वयाच्वंगु नेवाः म्ये खः। थ्व हे म्येया लिधंसा कयाः छुःनेवाः संकिपा नं दय् कल। संकिपाया नां “राजमति” धकाः छुत। नेवाः भासं दय्कू थ्व निगू संकिपा खः। “राजमति”यात नीर शाहं निर्देशन यानादीगु खः। “राजमति” दय्केगु वसाः न्ह्याकूबलय् थुकिया निर्देशनया भाला मदनकृष्ण श्रेष्ठ व हरिवंश आचार्ययात बियातःगु खः। वय् कपिसं छु गथे जुयाः उगु भाला पूमवंकूगु खः धइगु खं तन चर्चाया विषय मखु।

नेवाः भासं नं संकिपा दय्केमा धकाः नुगः क्वसाय्काचर्चिं छुपुचः नेवाःतयसं नेवाः फिल्मस् प्रा.लि. नांयागु कम्पनी नीस्वनाः न्ह्याकूगु थ्व पलाःया न्हापांगु त्वाथः धइगु “राजमति” खः। उगु बखतय् “राजमति” जुइगु नितिं गौरी मल्लयात इनाप याःगु खः। गौरी मय्जुं स्वीकृति नं ब्युगु खः। तर अबाय्ति उगु संकिपाया ज्या न्ह्याय् मफुत। लिपा वनाः थ्व संकिपाया निर्देशनया भाला हनेबहःमह संकिपामि नीर शाहया ब्वलय् वल। वय् कलं थ्व संकिपा दय्कूबलय् थुकी हिंसिला महर्जनयात “राजमति”या रुपय् न्ह्यब्वल। हिंसिला छम्ह कीर्तिपुर (किपू)या म्हाय् मचा खः। मचाबलय् निसं हुला प्याखनय् नुगः क्वसाय्का वयाच्वंमह हिंसिलां शंकर देव क्याम्पसय् ब्वनाच्वंगु इलय् “पिब्वय्माःगु यथार्थ” नांयागु नाटक म्हितूगु जुयाच्वन। उलजक मखुसे हिंसिलाया नां हे वास्तव्य हिंसिला मखुगु जुयाच्वन। वयागु नां हिराशोभा

महर्जन धकाः जुयाच्वन। हिंसिला धइगु नां ला “पिब्वय्माःगु यथार्थ” प्याखंया पात्रया नां धकाः जुयाच्वन। व नां थुलि लोकह्वाना कि वयागु वास्तविक नां “हिराशोभा” खः धइगु हे तर्क ल्वमना वन। थुकथं हिराशोभा “हिंसिला” जुल।

थथे हिराशोभा “हिंसिला” जूम्ह वय्कः मयजुया नां “राजमति” पिदने धुंकाः हाकनं हिल। अलय् वय्कः मयजुयात “राजमति” धकाः हे महसीका हल। “राजमति” धुंकाः हिंसिलां बुद्धकालिन बाखनय् आधारित “चाण्डालिका” नांयागु संकिपा नं म्हितलसा वयां लिपा थ्व ख्यलं दिपा काल। थ्व दथुइ हिंसिलाया इहिपाः मणिराज लवटलिसे जुल। मणिराज लवट धइम्ह “राजमति” संकिपाय् “तुईसि” जुयाः म्हितूम्ह कलाकार खः। इहिपाः लिपा मणिराज व हिंसिलां छुं छुंनेवाः म्यूजिक भिडियो नं म्हितलसा “त्याग” नांयागु छुःनेवाः संकिपाय् नं म्हितल। अलय् “तुयुमति” नांयागु संकिपाय् राजमति हे जुयाः छुः विशेष भूमिका म्हितल। अनं लिपा हिंसिलां म्हितू संकिपाया नां “कीर्तिपुर” : द लिजेण्ड अफ कीर्तिलक्ष्मी” खः।

थ्व संकिपाया निर्देशक प्रदिप खड्गी खः। न्यादीत न्ह्यःहे तयार जुइधुंकाय् थ्व संकिपा आः वयाः देय्कय्क रिलिज जुइत्यंगु दु। थ्व संकिपाया बाखंकां गोरखाया जुजु पृथ्वीनारायण शाहया गोरखा राज्य विस्तार अभियानय् स्वनिगः त्याके मालाच्वनी। तर स्वनिगः दुहां वय्गु मू लुखात मत्याय् कं थ्व सम्भव मदु। सक्व याउंके त्याकी तर किपू त्याकेफइ मखु। पृथ्वीनारायण शाहया जवः ल्हाः धकाः धयातःमह सेनापति कालु पाण्डेया नेतृत्वय् किपुलिइ हमला याइ। तसकं बांमलाक्क ल्वापु जुइ। थ्व हे ऐतिहासिक बाखंया लिधंसाय् वासुपासां च्वयातःगु कृति “भैरव सिंह” उपन्यासया लिधंसा कयाः दय्कातःगु थ्व संकिपाया नां “कीर्तिपुर—द लिजेण्ड अफ कीर्तिलक्ष्मी” धकाः छुनातःगु दु। थ्व खस नेपाली भाषां दय्कूगु खः। अथेजुसां थुकी नेवाः कलाकार व प्राविधिकतयगु सहभागिता यक्व दु। थथे जूगुया मू कारण धइगु थ्व नेवाः अस्तित्वलिसे स्वापू दूगु बाखं जुयाः खः। अलय् थुकिया लगानीकर्तात नं नेवाःत हे जूगुलि नं खः।



नेपाःया इतिहासया छुः हाकूगु पानाकथं कयातःगु पृथ्वीनारायण कीर्तिपुर त्याकूगु घटनाया ज्वलन्त लू कःघानातःगु थ्व संकिपा नेपाली संकिपाया स्वकुमिया नितिं न्ह्यु सवाः जुइगु खँया आशा निर्देशक प्रदिप खड्गी यानाच्वंगु दुसा उलजक मखुसे नेपाःया इतिहासय् नुगः क्वसाःपिनिगु नितिं नं “कीर्तिपुर” : द लिजेण्ड अफ कीर्तिलक्ष्मी” अध्ययनय् छुः न्ह्युपलाः जुइ धकाः वय्कलं दावी यानादिल। आः ला ‘कीर्तिलक्ष्मी’यात छम्ह काल्पनिक पात्रया रुपय् जक मखुसे छम्ह ऐतिहासिक ‘वीराङ्गना’ धकाः नालेधुंकाय् अवस्था दुसा कीर्तिपुरया युद्ध पार्कय् ‘कीर्तिलक्ष्मी’या इवाता तर्क तइगु जूगु दु। थ्व त्याखं थ्व छुः स्वय् बहःगु संकिपाया रुपय् सकासनं यय्कीगु आशा संकिपा पुचलं यानाच्वंगु दु।

हिंसिला महर्जनयात हे “कीर्तिलक्ष्मी”या रुपय् न्ह्यब्वयातःगु कारण गनं वय्कः मयजु किपूया म्हाय्मचा जूगुलि जक खः ला ? धइगु न्ह्यसलय् निर्देशक प्रदिप खड्गी धयादिल, “कीर्तिपुर” : द लिजेण्ड अफ कीर्तिलक्ष्मी” दय्के धकाः वसाः न्ह्याकाबलय् निसं हे जिगु मिखाय् ‘कीर्तिलक्ष्मी’या रोलय् हिंसिला हे लुयावइगु खः। व छुजुया खः मस्यु

तर हिंसिला बाहेक थ्व रोलय् मेपिं गबलें बिचाः मयाना। थुकिया कारण वय्कः किपूया म्हाय् मचा जुयाः खः वा मखु धइगु ला मस्यु।”

हिंसिलाया थुकियात कयाः छु धापू दु ले ? धइगु खँय वय्कः मयजु थथे धयादिल, “जिं मचाबलय् निसं हे बाःमापिं पाखें न्हापान्हापा किपुलिइ छम्ह वीराङ्गना दु, वयागु नां ‘कीर्तिलक्ष्मी’ खः धकाः न्यनातयागु खः। वय्कःपिन्सं कीर्तिलक्ष्मीया बाखं कंगु नं न्यनातयागु दु। व छम्ह मिसा जुयाः नं छम्ह मिज्या रुप धारण यानाः शत्रुया सैनिकतलिसे स्वन्हुतक ल्वानाः वीरता क्यंगु बाखनं जितः साला यंकल। अबलय् निसं हे जिगु नुगलय् थ्व कीर्तिलक्ष्मी धइम्ह गजाःमह जुइ धइगु न्ह्यसः लुयावःगु खःसा गबलें गबलें जिं थःमहेसिनं हे कीर्तिलक्ष्मीया बारे धुकुमां याय् नं। जिगु अबाय्तिता मचा नुगलय् ला कीर्तिलक्ष्मी छक्वः नापलाय् दुसा ज्यूथें तर्क जुइगु। लिपा बासुपासाया उपन्यास “भैरवसिंह” पिहां वय्धुंकाः कीर्तिलक्ष्मीया बारे अभ अक्वः खँ सीके खन। थुलि ईतकया दुने जि छम्ह कलाकारया रुपय् नं ज्या याय्धुनागु ई खःसा ‘राजमति’ म्हितेधुंकाः ला जिगु नुगःया छुः कुंचाय् जितः छक्वः

‘कीर्तिलक्ष्मी’ जुयाः म्हिते दुसा ज्यू धइथें जुयावल। जिं अथे नुगलय् लुइकां छु याय् ? संकिपा दय्केगु धइगु अःपूगु ज्या मखु। तर छु संजोग हे धाय्माली कीर्तिलक्ष्मी नावन दाइ (नांजाःमह क्यामेराम्यान नावन जोशी)पिन्सं छ्हु आकाभाकां हे वयाः ‘कीर्तिलक्ष्मी’यात कयाः संकिपा दय्के त्यनागु खँ कं वल। अलय् उकी जितः कीर्तिलक्ष्मी जुयाः म्हिते अफर यात। जिगु ला मिखां हे ख्वाब वःथें जुल। जिं मचाबलय् निसं याना वयाच्वनागु कल्पना साकार जुइगु ई वःथें जुल। ‘कीर्तिलक्ष्मी’यात छक्वः नापलाय् दुसा ज्यू धकाः मति तयागु ला संकिपाय् ‘कीर्तिलक्ष्मी’या हे रोल म्हिताः वलिसे नापलाय् खन।”

थुकथं हिराशोभा ‘हिंसिला’ अलय् हिंसिलां ‘राजमति’या रुपय् लोकह्वानाःमह आः वयाः ‘कीर्तिलक्ष्मी’या रुपय् नं भी दथुइ दै वःगु दु। इतिहासया छम्ह ज्वःमदुम्ह पात्रया रुपय् न्ह्यःने वःगु दु। हिंसिलायात थःगु ‘कीर्तिलक्ष्मी’या रोलप्रति तःधंगु हे आस दुसा थ्व “कीर्तिपुर” : द लिजेण्ड अफ कीर्तिलक्ष्मी” संकिपा हे नेपाःया संकिपा इतिहासय् छुः बिस्कं सवाः बीत ताःलाइगु खय् हिंसिला तसकं आसाकृति खनेदयाच्वंगु दु।

राम प्रजापति
प्रोग्राइटर

हार्ती मिठाई भण्डार
(रुद्ध शाकाहारी)

कालिमाटी चौक, टंकेबर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ।

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.
ह्वनाछैं, पाको, न्हूसतक, यैं, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

दबुलि नेपालं थीथी ब्यक्तित्वपिन्त हन

स्वनिगःया ऐतिहासिका न्यागू शहरया न्याम्ह ब्यक्तित्वपिन्त हनेज्यालिसें नेवाःतयुगु पहिचानया नितिं थुने दबुलि नेपालपाखें जूगु ज्याइवःयात कयाः पितृदंगु स्मारिका 'दबुलि'या पितृव्यज्याया नापनाप उकिया लिधंसाय् दय्कातःगु 'पहिचान' सकिपा विमोचन जुल ।

दबुलि नेपाल (युथ फोर कल्चर प्रमोशन)या ग्वसालय् जूगु उगु ज्याइवःया उलेज्या मूपाहां लिसें वाडमय शताब्दी पुरुष नापं वरिष्ठ संस्कृतिविद् डा. सत्यमोहन जाशीपाखें त्वाःदेवा च्याकाः यानादीगु खः ।

दबुलि नेपालया नायः ई. सन्तोष प्रजापतिया सभाध्यक्षताय् न्ह्याःगु उगु ज्याइवलय् मध्यपुरया लिपि स्थनामि विक्की बजाचार्ययात 'रत्नबहादुर लुमन्ति



प्रतिभा सिरपाः' व रत्नकेशरी प्रजापतिं न्याद्दःतका दां लःल्हानादीगु खःसा रोसिका जधारीयात 'कान्छी लुमन्ति प्रतिभा सिरपाः' व भुवनेश्वरी प्रजापतिपाखें न्याद्दःतका दां लःल्हानादीगु खः ।

पाहांकथं विराट नेपालभाषा साहित्य सम्मेलनया नायः कृष्णभक्त बोडे, नेवाः गुथिया नायः लिसें नेवाः न्ह्यलुवा पवित्र बजाचार्य, नेपालभाषा मंकाः खलः, यलया नायः ऋषिप्रसाद श्रेष्ठ व मध्यपुर नगदेशया समाजसेवी कृष्णबहादुर घःजु भायादीगु उगु ज्याइवलय् दबुलि नेपालया प्रदेश प्रतिनिधि नं म्हसीकेगु ज्याइवः जूगु खः ।

ज्याइवलय् मूपाहां डा. सत्यमोहन जोशी, सम्मानित ब्यक्तित्वपाखें वरिष्ठ साहित्यकार तिलकप्रकाश कायस्थ, नेवाः गुथिया केन्द्रीय नायः पवित्र बजाचार्य, मध्यपुर थिमि नगरपालिकाया प्रमुख ई. मदनसुन्दर श्रेष्ठपिन्सं नुगःखँ तयादीगु खः ।

वसुवर्ण साकोसया उद्घोषण तथा वक्तृत्व विकास तालिम क्वचाल



यल नागबहाःया वसुवर्ण बचत तथा ऋण सहकारी संस्थाया ग्वसालय् उद्घोषण व वक्तृत्व विकास तालिम क्वचाल । संस्थाया नायः सुमन शाक्यया सभाध्यक्षताय् जूगु समापन समारोहस मूपाहां यल महानगरपालिका वडा नं १६या वडाध्यक्ष निर्मलरत्न शाक्यं प्रशिक्षार्थीपिन्त दसिपौ लःल्हानादिसें थुगु तालिम कयादीपिनिगु ज्याइवः न्ह्याःकेगु कला, न्वचु ब्यूगु व व्यवस्थापनं थः अतिकं प्रभावित जूगु धयादिल ।

वंगु जेष्ठ ३०गते निसें फिन्हुयंक जूगु थुगु तालिमया समापन ज्याइवलय् विशेष पाहांकथं नागबहाल टोल सुधार समितिया उपाध्यक्ष, दाफा भजन खलः नायः आजु जुजुरत्न शाक्य, वसुवर्ण साकोसया पुलांम्ह नायः बुद्धरत्न शाक्य, स्थनामि सुरजवीर बजाचार्य, नगर सभा दुजः पञ्चबज्र बजाचार्य

भायादीगु खः । पत्रकार, ज्याइवः न्ह्याकांमि सुरजवीर बजाचार्य बियादीगु प्रशिक्षणय् २२म्हस्यां ब्वति कयादीगु खः । प्रशिक्षक बजाचार्य न्वचु व ज्याइवः न्ह्याःकेगु नापं ज्याइवः ताःलाक ग्वसाः ग्वयूगु नितिं याय्माःगु थीथी ज्यायात कयाः नं स्थनादीगु खः ।

तालिमया संयोजकलिसें संस्थाया महिला उपकमिटीया संयोजक गंगा शाक्य व शिक्षण उपकमिटीया संयोजक रविन्द्र शाक्यं नं नुगःखँ तयादीगु खःसा ज्याइवलय् तालिम कयादीपिपाखें वीणा शाक्य, दीक्षालक्ष्मी शाक्य, सम्राट शाक्य व संस्कृति शाक्यं थःथःगु अनुभव कनादीगु खः । प्रशिक्षार्थी उषा शाक्यं लसकुस यानादीगु खःसा धर्मराज शाक्यं सुभाय् देछानादीगु खः ।

ज्याइवः प्रशिक्षार्थी मिला शाक्यं न्ह्याकादीगु खः ।

डा. सत्यमोहनयात ख्वपय् नागरिक अभिनन्दन



वाडमय शताब्दी पुरुषलिसें वरिष्ठ संस्कृतिविद् डा. सत्यमोहन जोशीयात ख्वपय् तःजिक नागरिक अभिनन्दन याःगु दु ।

वाडमय शताब्दी पुरुष डा. सत्यमोहन जोशी नागरिक अभिनन्दन समारोह समितिया

ग्वसालय् ख्वपय् छू तःजिक न्यालि यासें सूर्य विनायकय् डा. जोशीयात अभिनन्दन याःगु खः ।

अथे हे, ज्याइवलय् प्रतिनिधिसभाया सांसद महेश बस्नेत, प्रदेशसभा सांसद डा. राजेन्द्रमान श्रेष्ठ, सूर्यविनायक नगरपालिकाया प्रमुख वासुदेव थापा, चाँगुनारायण नगरपालिकाया प्रमुख सोमप्रसाद मिश्र, मध्यपुर थिमि नगरपालिकाया प्रमुख ई. मदनसुन्दर श्रेष्ठलिसें ज्याइवः संयोजक नेन्द्रभक्त हाडां डा. सत्यमोहन जोशीयात अभिनन्दन पौ लःल्हाःगु खः ।

नाय्खिं बाजं प्रशिक्षण

नेपाल राष्ट्रिय खड्गी समाज, गोकर्णेश्वर नगरपालिका वडा नं ६ व गोकर्णेश्वर नगरपालिकाया संयुक्त इकाई समितिपाखें ग्वसाः ग्वःगु "नाय्खिं बाजं प्रशिक्षण ज्याइवः"या उलेज्या मूपाहां गोकर्णेश्वर नगरपालिकाया उप-मेयर शान्ति नेपालं उलेज्या यानादिल । गौतम खड्गीया सभाध्यक्षताय् जूगु उगु ज्याइवलय् विशेष पाहांकथं खड्गी समाजया कार्यवाहक नायः न्हुच्छेरत्न शाही भायादीगु खः ।

टि.भी कार्यक्रम सञ्चालन तालिम क्वचाल

यल महानगरपालिकाया ग्वाहाली 'म्हसीका एजुकेशन एण्ड इन्टरटेन्मेन्ट'या ग्वसालय् टि.भी कार्यक्रम सञ्चालन तालिम जूगु दु ।

यल महानगरपालिका दुनेया ल्याय् म्हतयगु शीप विकास याय्गु तानुनां जूगु उगु ज्याइवलय् प्रशिक्षक सागर महर्जनं यल महानगरपालिका दुनेया २९ वडाया ल्याय् म्हतयत तालिम बियादिगु खः ।

थीथी प्रयोगात्मक तालिम दुथ्याःगु उगु तालिम जेठ २६ गतेनिसें जेठ ३२ गते शनिवाः तक जूगु खः । म्हसीकाया प्रबन्ध निर्देशक समित डंगोलया सभाध्यक्षताय् यल महानगरपालिकाया उप-प्रमुख गीता सत्याल मूपाहांकथं भायादीगु खःसा विशेष पाहांकथं सामाजिक विकास समितिया दुजः नापं यल महानगरपालिका वडा नं १ या वडाध्यक्ष निर्मल तण्डुकार, वडा नं

५ या वडाध्यक्ष विकासमान श्रेष्ठ, वडा नं २३या वडाध्यक्ष भुयुकाजी महर्जन, समाज कल्याण महाशाखाया प्रमुख बाबुराजा महर्जन, सामुदायिक विकास शाखाया अधिकृत ज्ञानीशोभा महर्जन भायादिगु खः । मू पाहांपाखें क्यामराया बटन तियाः न्ह्याःगु समापन ज्याइवलय् खुन्हुतक तालिम कयादीपिं प्रशिक्षार्थीतयसं तालिमया अनुभव कनादीगु खः ।

चित्तधर 'हृदय' बुर्दिया लसताय् थीथी सिरपालं हन

कविकेशरी चित्तधर 'हृदय'या ११३क्वःगु बुर्दिया लसताय् नेपालभाषा परिषदया ग्वसालय् नेपाल प्रज्ञा प्रतिष्ठानय् छूगु ज्याइवः याःगु दु । उगु ज्याइवलय् भाषाथुवाः, चित्तधर सिरपाः व पूर्ण-हीरा सिरपाःपाखे हना ज्याइवःलिसें चित्तधर हृदयया चिनाखँ व म्ये सफू पितृव्यज्या जूगु खः ।

चित्तधर 'हृदय'या ११३ क्वःगु बुर्दिया लसताय् जूगु ज्याइवलय् फणिन्द्ररत्न बजाचार्य मूपाहांकथं भायादीगु खः । उगु ज्याइवलय् प्रा.डा. तेजरत्न कंसारकारयात 'ने.सं. ११३९ मानार्थ 'भाषाथुवाः' उपाधि, नागार्जुन पब्लिकेशनयात 'चित्तधर सिरपाः' व 'पूर्ण-हीरा सिरपाः' साहित्यकार शान्तराज शाक्ययात हनापौ नापं नगद लःल्हाःगु खः ।



अथे हे, ज्याइवलय् चित्तधर 'हृदय'या चिनाखँ व म्ये सफू मूपाहां बजाचार्य व छत्रबहादुर कायस्थं मंकाःकथं पितृव्यज्या यानादीगु खः । उगु सफूयात कयाः समालोचक पूर्णकाजी ताम्राकारं समीक्षा यानादीगु खः । छत्रबहादुर कायस्थया सभाध्यक्षताय् जूगु उगु ज्याइवः प्रतिस्तरा साय्मिं न्ह्याकादीगु खः ।

यँ महानगरं...

२. शीर्षक : सामाजिक बिकास, उप-शीर्षक : शिक्षा, स्वास्थ्य व पोषण, महिला बालबालिका, किशोर किशोरी, ज्येष्ठ नागरिक, अपाङ्गता व समाज कल्याण, खानेपानी व सरसफाइ, संस्कृति व सम्पदा, युवा व खेलकुद, सामाजिक बिकास, सुरक्षा व संरक्षण,

३. शीर्षक : सहरी पूर्वाधार व योजना बिकास, उप-शीर्षक : सहरी पूर्वाधार बिकास, सहरी यातायात व्यवस्थापन, सूचना व सञ्चार, सहरी बिकास व भवन मापदण्ड

४. शीर्षक : वातावरण व विपद् व्यवस्थापन, उप-शीर्षक : प्रदुषण नियन्त्रण, हरियाली प्रवर्द्धन, जलवायु परिवर्तन अनुकूलन, विपद् व्यवस्थापन

५. शीर्षक : संस्थागत बिकास व सुशासन, उप-शीर्षक : संस्थागत बिकास व मानव संशाधन बिकास, सुशासन व सुरक्षा, राजस्व परिचालन व बित्तीय व्यवस्थापन, अन्तरराष्ट्रिय सम्बन्ध बिस्तार, व्यापार प्रवर्द्धनया नितिं रात्रीकालीन व्यापार प्रवर्द्धन याय्गु, विश्व सम्पदा क्षेत्र (पशुपति, बौद्ध, बसन्तपुर व स्वयम्भू)यात पर्यटकीय हबया रूपय् बिकास याय्गु, छूगु वडा छूगु

नमूना सामुदायिक बिद्यालय दय्केगु, दक्क बनेकुथिइ छूगु हे रङ्ग तय्गु, बालमैत्री चित्र चय्गु, प्वनाच्वंगु थासय् हरियाली याय्गु नेपालभाषा व नेपाली भाषाया प्रवर्द्धनय् योगदान यानादीपिं श्रष्टायात महानगर साहित्य पुरस्कार, सुशासन प्रवर्द्धनय् योगदान बियादीपिं पत्रकारयात महानगरीय सुशासन पत्रकारिता पुरस्कार, ल्याय्महिपिन्त हःपाःया नितिं महानगर आदर्श युवा पुरस्कार, ज्येष्ठ नागरिकयात मनमोहन ज्येष्ठ नागरिक सम्मान, प्रजातान्त्रिक आन्दोलनय् समर्पित योद्धायात गणेशमान सिंह प्रजातन्त्र सेनानी सम्मानया व्यवस्था याःगु दु ।

गुथि...

४) ज्यासना पुचः ११ म्हनिसें १९ म्हेसिया दय्केगु । ५) ज्यासना पुचः दुने नं न्हियांन्हिथं नापलानाः ज्या याना वनेगु नितिं छूगु सचिवालय दय्केगु । उगु सचिवालयस नेवाः देय् दबूया ज्याकुथिइ तयाः न्ह्याःकेगु । ६) थुगु आन्दोलनयात मार्ग निर्देशन बीत, माःकथं सल्लाह सुभावा बीत नेवाःखलय् विशेष योगदान यानादीपिं विशिष्ट ब्यक्तित्वपिन्त दुथ्याकाः छूगु समिति नीस्वनेगु । ७) थःथःगु थासय् यानाच्वंगु, जुयाच्वंगु अवस्थाय् आः फुकक

आन्दोलनयात समन्वय याय्गु नितिं व आन्दोलनयात कःधाइगु मंकाः कथं वनेगु नितिं आः 'गुथि विधेयक विरुद्ध एकीकृत आन्दोलन' नां तय्गु प्रस्ताव यानादीगु खःसा सचिवालयया थासय् ज्याकु संचालन धकाः नां तया वनेगु धकाः संशोधन यानाः सर्वसम्मतिं पारित याःगु खः ।

अथे हे आः सांगठनिक संरचना कथं ज्यासना पुचः, ज्याकू संचालन पुचः व निर्देशन पुचः प्रस्ताव याय्गु नितिं जनकवि दुर्गालाल श्रेष्ठ, डा. महेशमान श्रेष्ठ, मल्ल के सुन्दर व चन्द्र महर्जनयात भाला ब्यूगु दु ।

नेवाः समाजय्...

छक्कः लः त्वंकः वनेगु नितिं प्रत्येक गुथ्याः नं खुसः तका, थ्वं थुइगु जाकि व बजि तइगु खः । विष्णुनाथं धयादी, 'प्याःचाःपिन्त लः त्वंकेंगु यक्व हे पूण्यया ज्याजक मखुसे पुस्तौनिसें न्ह्याना वयाच्वंगु परम्परायात ल्यंकेंगु नं खः ।'

लक्ष्मीदास महर्जनया कथं खोनाय् लः त्वंकेंगु याना वयाच्वंगु फुल्च दुनावंगु खः । तर प्रत्येक गुथ्याःतसें फिन्यासः तका व मगाःगु धेबाः ल्हापं कयाः जीर्णोद्धार याःगु खः । थथे लः त्वंकेंगु गुथि वादेया पाउली बुलुइ नं दु ।

घुस काइम्ह व बीम्ह निम्हं दोषी खः ।

घुस लिने र दिने दुवै उत्तिकै दोषी हुन् ।



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग

चीनया छेन्दु नगरं यँ महानगरयात निगः ब्रुमर लःल्हात



चीनया छेन्दु नगरं यँ महानगरपालिकायात निगः ब्रुमर लःल्हात दु । राष्ट्रिय सभा गृहयु जुगु ज्याभ्रुवल्यु उगु ब्रुमर छेन्दु नगरया उपप्रमुख निउ छिड्पाआं यँ महानगरया मेयर बिद्यासुन्दर शाक्ययात

ब्रुमरया ताःचाः लःल्हाना दिगु खः । उगु ब्रुमरया ताःचा लल्हान कयादिसे मेयर शाक्यं छेन्दु नगरपाखे वःगु थुगु उपहारया ग्वाहालि यँया वायु प्रदुषण नियन्त्रण यायेगु लागि ग्वाहालि जुइगु धका

धयादिगु खः ।

अथेहे मेयर शाक्यं यँया जनतापाखे छेन्दुया जनता सुभाय् देखनादिसे आः वइगु इलय् न पर्यटन, सामाजिक, आर्थिक व शैक्षिक ख्यलय् न थ थ ग्वाहालि दइ धका भलसा न कयादिगु ।

उगु ज्याभ्रुवल्यु थःगु नुंगः खँ तयेगु भ्रुवल्यु यँ महानगरया उपप्रमुख हरिप्रभा खड्गी श्रेष्ठं निगु नगर दथुइ समृद्धिया योगदान जुइगु आशा यानादिगु खःसा छेन्दु नगरया उपप्रमुख निउ छिड्पाआं छेन्दु नगरवासी पाखे बिगु थुगु उपहारं यँया वातावरण सुधार यायेगु ग्वाहालि जुइ धका धयादिगु खः ।

सः छगू फरक अभिव्यक्ति ज्याइवल्यु स्वम्हेसिनं चिबाखं न्यंकल

सः छगू फरक अभिव्यक्तिया ग्वसालय् यलय् छगू चिबाखं साहित्यिक मुँज्या जगु दु । उगु चिबाखं साहित्यिक मुँज्या ज्याइवल्यु शरद कसाः, श्याम आशा कायस्थ, निजिरोस श्रेष्ठ स्वम्हेस्या न्यापु न्यापु चिबाखं ब्वनाः न्यंकादीगु खः ।

ज्याइवल्यु डा. पुष्पराज राजकर्णिकारं थःगु नुगःखँ तयगु इवल्यु बाखं च्वमि शरद कसाःया बाखं न्ययब्वयुगु इलय् कलाकारिता नं खनेदुगु, श्याम आशाया बाखनय् धाय् माःगु थःगु सकतां खँ चीहाकलं न्ययइपुकक न्ययब्वयातःगु व निजिरोसया बाखं च्वयगु



ब्यागलं पहः दुगु खँ कनादिल ।

सुनिल बज्राचार्य न्हयाकादीगु उगु ज्याइवल्यु नरेश अमात्य लसकुस यानादीगु खःसा सुधीर खर्विं स्वम्ह बाखं च्वमिपिन्त मतिनाया चिं लःल्हानादीगु खः ।

KATHMANDU
ORNAMENTS

New Beshwor, Kathmandu, Nepal
Tel: 4476777, 4476999, Fax: 4476991
E-mail: info@kathmanduornaments.com
kathmandu@hotm.com
Web: www.kathmanduornaments.com

बाल हेल्पलाइन-नेपाल

एके पक्षि बालकाधिकार

हेला, सिस, दुर्व्यवहार, घरेलुजग, कल वा खैल नोचन उरिह तरफ फेला बरे, दुईटा जेम्बर-बम्बर उपहार, अतिथि परे वा कसुकी तथा जखेसजायिक सतबोज उपकरण परे १०९८ ला सतपर्क गर्ने ।

पैसा नलाउने फोन १०९८ (दश-नौ-आठ)

CWIN विजिण-नेपाल

विभिन्न संघसंस्था विजिण-नेपालद्वारा सञ्चालित बाल हेल्पलाइन

काठमाडौं	विराटनगर	पोखरा	दरेश्वर	नेपालगञ्ज
१०९८१०००	१०९८१०००	१०९८१०००	१०९८१०००	१०९८१०००

१०९८ (दश-नौ-आठ)

सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।

Delicious Sweets

बिग बेल
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323

छत्रपाटी निःशुल्क चिकित्सालय
२०१३

उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरांग सेवा

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क

शल्यक्रिया

- मोतिबिन्दु
- जनरल सर्जरी
- नहायपं, नहाय, जापः
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु लव्य
- प्वाःया लव्य
- युरोलोजी
- मिसा लव्य
- मचा लव्य
- वाया लव्य
- मिसा लव्य

अन्य सेवा

- जेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला

२४ घण्टा
ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail: cfclinic@mail.com.np, www.free-clinic.org.np